

唐詩小秀才

	唐 詩	過關認證	家長 簽名
1	<p>【 回鄉偶書 賀知章 】</p> <p>少小離家老大回， 鄉音無改鬢毛衰。 兒童相見不相識， 笑問客從何處來。</p>		
2	<p>【 桃花溪 張旭 】</p> <p>隱隱飛橋隔野煙， 石磯西畔問漁船。 桃花盡日隨流水， 洞在清谿何處邊？</p>		
3	<p>【 九月九日憶山東兄弟 王維 】</p> <p>獨在異鄉為異客， 每逢佳節倍思親。 遙知兄弟登高處， 遍插茱萸少一人。</p>		
4	<p>【 渭城曲 王維 】</p> <p>渭城朝雨浥輕塵， 客舍青青柳色新。 勸君更盡一杯酒， 西出陽關無故人。</p>		
5	<p>【 芙蓉樓送辛漸 王昌齡 】</p> <p>寒雨連江夜入吳， 平明送客楚山孤。 洛陽親友如相問， 一片冰心在玉壺。</p>		

唐詩小秀才

	唐 詩	過關認證	家長 簽名
6	<p>【 春宮曲 王昌齡 】</p> <p>昨夜風開露井桃， 未央前殿月輪高。 平陽歌舞新承寵， 簾外春寒賜錦袍。</p>		
7	<p>【 出塞 王昌齡 】</p> <p>秦時明月漢時關， 萬里長征人未還。 但使龍城飛將在， 不教胡馬渡陰山。</p>		
8	<p>【 涼州詞 王翰 】</p> <p>葡萄美酒夜光杯， 欲飲琵琶馬上催。 醉臥沙場君莫笑， 古來征戰幾人回？</p>		
9	<p>【 送孟浩然之廣陵 李白 】</p> <p>故人西辭黃鶴樓， 煙花三月下揚州。 孤帆遠影碧空盡， 惟見長江天際流。</p>		
10	<p>【 下江陵 李白 】</p> <p>朝辭白帝彩雲間， 千里江陵一日還。 兩岸猿聲啼不住， 輕舟已過萬重山。</p>		

	唐 詩	過關認證	家長 簽名		唐 詩	過關認證	家長 簽名
11	<p>【清平調三首之一 李白】</p> <p>雲想衣裳花想容， 春風拂檻露華濃。 若非群玉山頭見， 會向瑤臺月下逢。</p>			16	<p>【烏衣巷 劉禹錫】</p> <p>朱雀橋邊野草花， 烏衣巷口夕陽斜。 舊時王謝堂前燕， 飛入尋常百姓家。</p>		
12	<p>【逢入京使 岑參】</p> <p>故園東望路漫漫， 雙袖龍鍾淚不乾。 馬上相逢無紙筆， 憑君傳語報平安。</p>			17	<p>【秋夕 杜牧】</p> <p>銀燭秋光冷畫屏， 輕羅小扇撲流螢。 天階夜色涼如水， 臥看牽牛織女星。</p>		
13	<p>【滁州西澗 韋應物】</p> <p>獨憐幽草澗邊生， 上有黃鸝深樹鳴。 春潮帶雨晚來急， 野渡無人舟自橫。</p>			18	<p>【贈別二首之二 杜牧】</p> <p>多情卻似總無情， 唯覺樽前笑不成。 蠟燭有心還惜別， 替人垂淚到天明。</p>		
14	<p>【楓橋夜泊 張繼】</p> <p>月落烏啼霜滿天， 江楓漁火對愁眠。 姑蘇城外寒山寺， 夜半鐘聲到客船。</p>			19	<p>【夜雨寄北 李商隱】</p> <p>君問歸期未有期， 巴山夜雨漲秋池。 何當共剪西窗燭， 卻話巴山夜雨時。</p>		
15	<p>【月夜 劉方平】</p> <p>更深月色半人家， 北斗闌干南斗斜。 今夜偏知春氣暖， 蟲聲新透綠窗紗。</p>			20	<p>【嫦娥 李商隱】</p> <p>雲母屏風燭影深， 長河漸落曉星沈。 嫦娥應悔偷靈藥， 碧海青天夜夜心。</p>		